



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA

Prof. n. 4272

ORDINÀNTZIA N. 19 DE SU 13 DE ABRILE DE SU 2020

Ogetu: Àteras mesuras istraordinàrias e urgentes de cuntrastu e preventzione de sa difusione de s'epidemia dae COVID-2019 in su territòriu regionale de sa Sardigna. Ordinàntzia cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica.

SU PRESIDENTE

BIDU s'art. 32 de sa Costituzione;

BIDU s'Istatutu Ispetziale pro sa Sardigna e sas normas de atuatzione relativas;

BIDA sa lege regionale de su 7 de ghenàrgiu de su 1977, n. 1 chi giughet "Normas subra de s'organizatzione amministrativa de sa Regione Sarda e subra de sas cumpetènzias de sa Giunta, de sa Presidèntzia e de sos Assessorados regionales";

BIDA sa Lege de su 23 dicembre 1978, n. 833 "Istituzione de su servitziu sanitàriu natzionale" e in particolare s'art. 32 chi apostivigat "su *Ministru de sa sanidade podet emitere ordinàntzias de caràtere netzessàriu e urgente, in matèria de igiene*



e sanidade pùblica e de politzia veterinaria, cun eficàtzia istèrrida a totu su territòriu natzionale o a una parte de custu chi incluet prus regiones”, e puru “in sas matessi matèrias sunt emitidas dae su presidente de sa giunta regionale e dae su sindigu ordinàntzias netzessàrias e urgentes, cun eficàtzia ismanniada de pare a pare a sa regione o a una parte de su territòriu suo chi includet prus comunas e a su territòriu comunale”;

- BIDA sa deccraratzione de s’Organizatzione mondiale de sa sanidade de su 30 de ghennàrgiu de su 2020 cun sa cale s’epidemia dae COVID-19 est istada valutada comente un’emergèntzia de sanidade pùblica de rilevàntzia internatzionale;
- BIDA s’imbeniente deccraratzione de s’Organizatzione mondiale de sa sanidade de s’11 de martzu de su 2020 cun sa cale s’epidemia dae COVID-19 est istada valutada comente «pandemia» cunsiderende sos livellos de difusione e gravidade seguidados in totu su mundu;
- BIDA sa delibera de su Consighiu de sos Ministros de su 31 de ghennàrgiu de su 2020 chi giughet “Decraratzione de s’istadu de emergèntzia in cunsighèntzia de s’arriscu sanitàriu ligadu a su cumentzu de maladies chi derivant dae virus chi si podent trasmìtere”;
- BIDA s’ordinàntzia de su Capu de su Dipartimentu de sa protetzione tzivile n. 630 de su 3 de freàrgiu de su 2020 chi giughet “Primos interventos urgentes de protetzione tzivile in relatzione a s’emergèntzia relativa a s’arriscu sanitàriu ligadu a su cumentzu de maladies chi derivant dae virus chi si podent trasmìtere;
- BIDU su decretu de su Capu de su Dipartimentu de sa protetzione tzivile n. 627 de su 27 de freàrgiu de su 2020 chi nùmenat su Presidente de sa Regione Sardinia, sugetu chi atuat sos interbentos de sos cales a s’OCDPC 630/2020;
- BIDU su decretu-lege de su 23 de freàrgiu de su 2020, n. 6 chi giughet “*Mesuras urgentes in matèria de cuntenimentu e gestione de s’emergèntzia de s’epidemia dae COVID-19*”, mudadu dae sa lege 5 de martzu de su 2020, n. 13;
- BIDU su decretu lege de su 17 de martzu de su 2020, n. 18, chi giughet “Mesuras de afortiamentu de su servìtzio sanitàriu natzionale e de sustennu econòmicu pro famillias, traballadores e impresas ligadas a s’emergèntzia de s’epidemia dae COVID-19”;



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNZIA
PRESIDENZA

- BIDU su decretu-lege de su 25 de martzu de su 2020, n. 19, chi giughet «Mesuras urgentes pro afrontare s'emergèntzia dae s'epidemia dae COVID-19» e in particolare sos articulos 1 e 2, comma1;
- BIDU su decretu de su Presidente de su Consìgiu de sos Ministros de su 23 de freàrgiu de su 2020 "Dispositziones atuativas de su decretu-lege de su 23 de freàrgiu de su 2020, n. 6 chi giughet mesuras urgentes in matèria de cuntenuimentu e gestione de s'emergèntzia de s'epidemia dae COVID-19";
- BIDU su decretu de su Presidente de su Consìgiu de sos Ministros de su 25 de freàrgiu de su 2020 "Àteras dispositziones atuativas de su decretu-lege de su 23 de freàrgiu de su 2020, n. 6 chi giughet mesuras urgentes in matèria de cuntenuimentu e gestione de s'emergèntzia de s'epidemia dae COVID-19";
- BIDU su decretu de su Presidente de su Consìgiu de sos Ministros de su 1 de martzu de su 2020 "Àteras disposizione atuativas de su decretu-lege de su 23 de freàrgiu de su 2020, n. 6 chi giughet mesuras urgentes in matèria de cuntenuimentu e gestione de s'emergèntzia de s'epidemia dae COVID-19";
- BIDU su decretu de su Presidente de su Consìgiu de sos Ministros de su 4 de martzu de su 2020 "Àteras disposizione atuativas de su decretu-lege de su 23 de freàrgiu de su 2020, n. 6 chi giughet mesuras urgentes in matèria de cuntenuimentu e gestione de s'emergèntzia de s'epidemia dae COVID-19" de aplicare in totu su territòriu natzionale";
- BIDU su Decretu de su Presidente de su Consìgiu de sos Ministros de s'8 de martzu de su 2020 "Àteras dispositziones atuativas de su decretu-lege de su 23 de freàrgiu de su 2020, n. 6 chi giughet mesuras urgentes in matèria de cuntenuimentu e gestione de s'emergèntzia de s'epidemia dae COVID-19" e in particolare s'art. 5, comma 4 chi apostivigat chi "Aturat salvu su poderiu de ordinàtzia de sas regiones, de su cale a s'art.. 3, comma 2, de su decretu-lege de su 23 de freàrgiu de su 2020, n. 6";
- BIDU su Decretu de su Presidente de su Consìgiu de sos Ministros de su 9 de martzu de su 2020 chi giughet "Àteras dispositziones atuativas de su decretu-lege de su 23 de freàrgiu de su 2020, n. 6 chi giughet mesuras urgentes in matèria de cuntenuimentu e gestione de s'emergèntzia de s'epidemia dae COVID-19, de aplicare in totu su territòriu natzionale";



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA

- BIDU su Decretu de su Presidente de su Consìgiu de sos Ministros de s'11 de martzu de su 2020 pro su chi pertocat "*Àteras dispositziones atuativas de su decretu-lege de su 23 de freàrgiu de su 2020, n. 6 chi giughet mesuras urgentes in matèria de cuntenimentu e gestione de s'emergèntzia de s'epidemia dae COVID-19, de aplicare in totu su territòriu natzionale*";
- BIDU su decretu de su Presidente de su Consìgiu de sos Ministros de su 22 de martzu de su 2020 pro su chi pertocat "*Àteras dispositziones atuativas de su decretu-lege de su 23 de freàrgiu de su 2020, n. 6 chi giughet mesuras urgentes in matèria de cuntenimentu e gestione de s'emergèntzia de s'epidemia dae COVID-19, de aplicare in totu su territòriu natzionale*";
- BIDU s'art. 1 de su decretu de su Presidente de su Consìgiu de sos Ministros de su 1 de abriale de su 2020 chi apostivigat un'àtera pròroga de s'eficàtzia de sas dispositziones de su DPCM 11.03.2020 finas a su 13 de abriale de su 2020;
- BIDA s'ordinàntzia de su Ministru de sa salute de su 20 de martzu de su 2020, chi giughet «*Àteras mesuras urgentes in matèria de cuntenimentu e gestione de s'emergèntzia de s'epidemia dae COVID-19, de aplicare in totu su territòriu natzionale*», publicada in sa *Gazzetta Ufficiale* n. 73 de su 20 de martzu de su 2020;
- BIDA s'ordinàntzia de su Ministru de sa salute a cunserru cun su Ministru de sas infrastruturas e de sos trasportos de su 28 de martzu de su 2020, publicada in sa *Gazzetta Ufficiale* n. 84 de su 28 de martzu de su 2020, cun su cale est istada disciplinada s'intrada in su territòriu natzionale pro mèdiu de trasportu de linia aèrea, maritima, de lagu, ferroviaria e de terra;
- BIDOS sos decretos de su Ministru de sas infrastruturas e de sos trasportos a cunserru cun su Ministèriu de sa Salute de su 14 de martzu de su 2020, n. 117; de su 24 de martzu de su 2020, n. 127; de su 3 de abriale de su 2020 n. 145;
- BIDU su decretu de su Ministru de s'isvilupu econòmicu de su 25 de martzu de su 2020, publicadu in sa *Gazzetta Ufficiale* n. 80 de su 26 de martzu de su 2020, cun su cale est istadu mudadu s'elencu de sos còdighes de sos cales a s'allegadu 1 de su decretu de su Presidente de su Consìgiu de sos ministros de su 22 de martzu de su 2020;
- BIDAS sas ordinàntzias netzessàrias e urgentes de su Presidente de sa Regione Sardigna,



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA

cunforma a s'art. 32, comma 3, de sa lege 23 de nadale de su 1978, n. 833 in matèria de igiene e sanidade pùblica n. 2 de su 24/02/2020, n. 3 de su 27/02/2020, n. 4 de s'08/03/2020, n. 5 de su 9/03/2020 e nota esplicativa relativa n. 2593 de su 10/03/2020, n. 6 de su 13/03/2020, n. 7 de s'08/03/2020, n. 8 de su 13/03/2020, n. 9 de su 14/03/2020 e nota esplicativa relativa n. 3EM de su 16/03/2020, n. 10 de su 23/03/2020, n. 11 de su 24/03/2020, n. 12 e n. 13 de su 25/03/2020, nùmeros 14, 15 e 16 de su 03/04/2020 e n. 17 de su 04/04/2020 e 18 de su 7.04.2020;

BIDU su Decretu de su Presidente de su Consìgiu de sos Ministros de su 10 abriale de su 2020 chi at prevididu sa pròroga finas a su 3 de maju de su 2020;

BIDU su Decretu de su Ministru de sas Infrastruturas e de sos Trasportos a cunserru cun su Ministru de sa Salute n.153 de su 12 de abriale de su 2020 e in particolare:

- s'art.5 chi, cunfirmende cantu giai apostivigadu dae su Decretu Interministeriale n. 117 de su 14.03.2020, disponet: **su trasportu marìtimu de biagiadores dae e chirru a sa Sardigna est suspesu; sighit a èssere asseguradu, abarrende firmu s'impreu de sas naves provididas in cunventzione, solu pro sos trasportos de sas mertzes s'est possibile subra de unidades de càrrigu isoladas no acumpangiadas. Podet èssere asseguradu su trasportu de sos passeggeris subra de naves impreadas pro su trasportu mertzes solu pro esigèntzias dimustradas e improrogàbiles de sas cales a s'art. 1, comma 1, litera a) de su decretu de su Presidente de su Consìgiu de sos Ministros de su 10 de abriale de su 2020 fata chi siat un'autorizatzione de su Presidente de sa Regione, intesa s'autoridade sanitària regionale, adotada cunforma a s'art. 32 de sa lege 23 de nadale de su 1978, n.833; su trasportu aèreu de sos biagiadores dae e chirru a sa Sardigna est asseguradu solu in s'aereoportu de Casteddu pro esigèntzias dimustradas e improrogàbiles de sas cales a s'art.1, comma 1, litera a) de su decretu de su Presidente de su Consìgiu de sos Ministros de su 10 de abriale de su 2020 fata chi siat un'autorizatzione de su Presidente de sa Regione, intesa s'Autoridade sanitària regionale, adotada cunforma a s'art. 32 de sa lege de su 23 de nadale de su 1978, n.833;**
- s'art. 6, pro su cale sas dispositziones mentovadas in antis produent efetos finas a su 3 de maju de su 2020.

INTESU su Comitadu Tènicu Iscientificu istituïdu pro afrontare sa difusione de s'epidemia de su Covid-19 in Sardigna cun deliberatzione de sa Giunta Regionale n. 17/4 de su 1 de abriale de su 2020, cun riguardu particolare a s'oportunidade de torrare a abèrrere dae su 14 de abriale de su 2020 sas atividades chi atinent a su cummèrtziu de pabiru,



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA

cartone e artìculos de cartoleria, a su cummèrtziu a su detàlliu de libros, a su cummèrtziu a su detàlliu de bestimenta pro pitzinnos e pitzinnos de naschidòrgiu e puru de torrare abèrrere a su pùblicu sos istùdios professionales;

LEENDE A CUNSIDERU su parre espressadu dae su torradu a cramare in antis Comitadu tècnicu iscientificu, ispiradu a unu critèriu de cautela màssima, pro mantènnere sas mesuras de serrada chi bi sunt como, puru cun riferimentu a sas atividades mentovadas in subra finas a s'imbeniente 26 de abriale, cun sa reserva de un'àtera valutazione cunforma a s'andanta de sa difusione de su virus pro torrare a abèrrere dae su 27 de abriale de su 2020;

RITÈNNIDU de dèvere acollire sas positzones de su Comitadu tècnicu e iscientificu e, duncas, in dèroga a cantu prevididu dae su DPCM de su 10 de abriale de su 2020, de dèvere mantènnere in Sardigna a su mancus finas a su 26 de abriale de su 2020 sas mesuras prus restritivas chi previdint sa serrada de sas atividades:

- de cummèrtziu de pabiru, cartone e artìculos de cartoleria;
- de cummèrtziu a su detàlliu de libros;
- de cummèrtziu a su detàlliu de bestimenta pro pitzinnos e pitzinnos de naschidòrgiu;
- de abertura a su pùblicu de sos istùdios professionales.

VALUTADA puru, s'urgèntzia e chi non si podet transire de cunfirmare sas mesuras istraordinàrias a tutela de sa salute de sos tzitadinos sardos pro sa preventzione e su cuntenimentu de sa difusione subra de su territòriu de sa Regione Sardigna de su COVID-19, cunforma a s'art.32 de sa Lege de su 23 de nadale de su 1978, n. 833 in matèria de igiene e sanidade,

ÒRDINAT

ART. 1) s'eficatzidade de sas dispositziones de sas ordinàntzias nùmeru 6 de su 13 de martzu de su 2020 (gasi comente prorogada dae sas ordinàntzias n. 12 de su 25.03.2020 e n. 14 de su 3.04.2020), n. 9 de su 14.03.2020 (gasi comente mudada e prorogada dae sas ordinàntzias n. 13 de su 25.03.2020 e 15 de su 3.04.2020) e n. 18 de su 7.04.2020 est prorogada finas a su 3 de maju de su 2020, salvu àtera pròroga esplitzita, s'ordinàntzia n. 17 de su 4.04.2020 cun sas integratziones chi sighint:



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA

- a s'art. 1, in sa prima riga, in fatu de sas paràulas “abertos a su pùblicu sunt annantas sas paràulas “sas ispiàgias”. In finitia de s'articulu est, puru, annantu su periodu chi s'ghit: “Est semper e cando cunsentida, in armonia cun sas prescritziones de sas cales a su DPCM de su 10 de abriale de su 2020, s'atividade motòria chi onni pessone podet fàghere a curtzu a domo sua cun su respetu de sas distàntzias minima de seguresa de a su mancus unu metro e, semper e cando, cun una mascarina adecuada”;

- a s'art. 5, in sa prima riga, in fatu a sa paràula “para potecàrias” sunt insertadas sas chi s'ghint “puru sos istancos e sas edicolos”. In finitia de s'ùrtima riga est annanta sa frase chi s'ghit “Est puru proibida s'abertura in sas dies de festa de su 25 de abriale e de su primu de maju. S'abertura de sos esertitzios cummertziales, in totu sas àteras dies, est cunsentida solu respetende sas mesuras igienicu-sanitàrias prescritas a manera crara dae s'allegadu 5 a su DPCM 10 de abriale de su 2020. Est òbrigu pro chie si siat chèrgiat atzèdere a un'esertitziu cummertziale de si pònnere una mascarina idònea e guantos de impitare solu una borta, chi divent èssere bestidos pro totu su periodu de permanèntzia a intro de s'istrutura”

ART. 2) Sos richiamos chi bi sunt in sas ordinàntzias de sas cales a s'art. 1 a su DPCM 8.03.2020, a su DPCM 9.03.2020, al DPCM 11.03.2020, a su DPCM 22.03.2020 e a su DPCM 1.04.2020 si divent cunsiderare riferidos a su DPCM 10.04.2020 e allegados relativos;

ART. 3) In armonia cun sas indicatziones de su Comitadu tècnicu iscientificu istituidu cun deliberatzione de sa Giunta Regionale n. 17/4 de su primu de abriale de su 2020, sunt cunfirmadas in Sardigna, a su mancus finas a su 26 de abriale de su 2020, salvu pròroga esplitzita noa, sas mesuras prus restritivas de àteras serradas de sas atividades de cummèrtziu de pabiru, cartone e articulos de cartoleria, de cummèrtziu a su detàlliu de libros e cummèrtziu a su detàlliu de bestimenta pro sos pitzinnos e pro sos pitzinnos de naschidòrgiu, e puru s'abertura de sos istùdios professionali a su pùblicu.

ART. 4) Pro totu su chi no est disciplinadu a manera crara dae custa ordinàntzia , si faghet rinviu espressu a su DPCM 10 aprile 2020 e allegados relativos.

ART. 5) sas dispositziones de custa ordinàntzia produent sos efetos issoro dae sa data de su 14 de abriale de su 2020.



REGIONE AUTÒNOMA DE SARDIGNA
REGIONE AUTONOMA DELLA SARDEGNA

PRESIDÈNTZIA
PRESIDENZA

Custa ordinàntzia est luego efcatzte e est publicada in su giassu istituzionale de sa Regione e in su B.U.R.A.S. Sa publicatzione at valore de notifica individuale, a totu sos efetos de lege, pro totu sos sugetos interessados

Salvu chi su fatu non costituat unu reatu prus grae, sa farta de s'osservàntzia de sos òbrigos de sos cales a s'ordinàntzia presente est santzionada cunforma a sa lege (art. 4 de su L. 19 de su 25 de su 2020).

Custa ordinàntzia est trasmitida cunforma a sas cumpetèntzias respetivas a su Presidente de su Consighiu de sos Ministros, a su Ministru de sa Salute, a su Ministru de sas Infrastruturas e de sos Trasportos, a sos Prefetos de sos Ufizzios territoriales de governu de sa Sardigna, a sa Tzitade metropolitana de Casteddu, a sas Provìntzias de sa Sardigna, a sos Assessoros regionales e a sos Comunes de sa Sardigna.

Est ammitidu ricursu giurisditzionale contra a custa ordinàntzia a dae in antis a su Tribunale Amministrativu Regionale intro de sessanta dies dae sa comunicatzione, o ricursu istraordinàriu a su Capu de s'Istadu intro de su tèrmine de chentu binti dies.

Su Presidente

Christian Solinas



CHRISTIAN SOLINAS
REGIONE AUTONOMA
DELLA SARDEGNA -
SISTEMA REGIONE
3.04.2020 22:24:52
UTC